

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

- उपराज्यपाल मनोज सिन्हा होरें गलाया ऐ जे कताबां ओह अंतर-शक्ति न, जेड़ियां ज्ञान ते बुद्धी आली भेठा रोशनी दस्सने दा कम्म करदियां न।
- मुखमन्त्री उमर अब्दुल्ला होरें गलाया ऐ जे सरकार इस बरे दे खीरै तगर 7 जहार 253 खाली पेदिएं असाभिएं गी पुर करोग।
- यातायात मंत्री सतीश शर्मा होरें जम्मू च ट्रांसपोर्ट कमीशनर हुंदे दफतर च केन्द्रीय ड्राइविंग लाइसेंस ते पंजीकरण प्रमाण पत्र सरबन्धी प्रिंटिंग सेंटर दा उद्घाटन कीता।
- श्रम आयुक्त होरें नियम-कायदे मताबक कारवाई नेई करने आले ट्रेड यूनियनों खलाफ कारण बताओ नोटिस जारी कीते न।
- डिजीजनल कमीशनर ते आईजीपी जम्मू होरें नशे दी कबैतु कन्नै निबड़ने लेई आईईसी मुहिम दी तैआरिएं दा जायजा लैता।

<><><><><><>

LG-Lucknow

उपराज्यपाल मनोज सिन्हा होरें आखेआ ऐ जे कताबां ओह अंतर-शक्ति न जेड़ियां ज्ञान ते बुद्धी आली भेठा रोशनी दस्सने दा कम्म करदियां न। लेखक अपने शब्दें कन्नै असेंगी सोचने ते साढ़े नजरियै गी होर व्यापक बनाने दा कम्म करदे न। इयै चीजां असेंगी अपने अंदर झांकने दा मौका उपलब्ध करोआदियां न। एह गल्ल उपराज्यपाल होरें लखनऊ च मन्ने परमन्ने दे लेखक श्री लाल शुक्ला हुंदे जन्म शताब्दी समारोह गी संबोधत करदे होई आक्खी। शुक्ला होरें गी श्रद्धांजलि भेंट करदे होई उपराज्यपाल होरें हुंदे जीवन पर लोह पाई ते उंदे कम्में गी उजागर कीता। उनें आखेआ जे शुक्ला होरें गी ग्रामीण भारत ते सियासी मसलें दी गूढ समझ ही। श्री लाल शुक्ला हुंदे चेते च इक प्रदर्शनी दा बी उपराज्यपाल होरें उद्घाटन कीता।

<><><><><><>

CM-Vacancies

मुख्यमंत्री उमर अब्दुल्ला होरें विधानसभा गी जानकारी दित्ती ऐ जे इस ब'रे दे चीरै तगर 7 जहार 253 असाभिएं गी पूर करने दी योजना बनाई गई ऐ, इंदे च गजटिड ते नॉन गजटिड असाभियां शामिल न। आकाशवाणी दे जम्मू संवाददाता दी रिपोर्ट मूजब पिछले 2 ब'रें च 11 जहार 526 गी इनें श्रेणिएं तैहत् लाया गेआ ऐ। मुख्यमंत्री जिंदे कश आम प्रशासनिक मैहकमे दा प्रभार बी ऐ, होरें जानकारी दित्ती जे इस ब'रे इक जहार 502 गजटिड ते 5 जहार 751 नॉन गजटिड असाभिएं गी पूर करने दा लक्ष्य रखेआ गेआ ऐ। एमएलए सतीश कुमार शर्मा हुंदे आस्सेआ पुच्छे गेदे सुआले दे परते च उनें एह जानकारी दित्ती। शर्मा होरें आखेआ जे कुल 32 जहार 474 असाभियां 31 जनवरी 2025 तगर 38 सरकारी मैहकमे च खाली पेदियां हियां। जिंदे च 2 जहार 503 गजटिड, 19 जहार 214 नॉन गजटिड ते 10 जहार 757 एमटीएस श्रेणी तैहत् न।

<><><><><><>

Satish Printing Centre

यातायात मंत्री सतीश शर्मा होरें कल जम्मू च ट्रांसपोर्ट कमीशनर दे दफ्तर व केन्द्रीय ड्राइविंग लाइसेंस ते पंजीकरण प्रमाण पत्र सरबंधी प्रिंटिंग सेंटर डीएलएस ते आरसीएस दा उद्घाटन कीता। इस दरान मंत्री होरें गलाया जे सब्बै बकाया ड्राइविंग लाइसेंसें गी 90 दिनें दे अंदर मुकम्मल करी दित्ता जाग। उनें मोटर गडिडएं सरबंधी विभाग दी बी सराहना कीती जेहड़ी लोकें दिएं समस्याएं गी समें उप्पर हल करने दे लोडचदी गैह पुट्ठा'रदा ऐ। मंत्री होरें मोटर गडिडएं सरबंधी विभाग आस्सेआ परानी प्रदूषण फैलाने आली असें मैटाडोरे गी बदलने लेई 5 लक्ख रपे दी सब्सिडी प्रदान करने दा बी जिक्र कीता।

<><><><><><>

Dy CM-Iftaar

उपमुख्यमंत्री सुरिन्दर चौधरी होरें इफ्तार पार्टी दा आयोजन कीता ते रमजान दे पवित्र महीने दे चलदे लोकें गी शुभकामनां दित्तियां। एह कार्यक्रम जम्मू च होआ जित्थें समुदाय दे केई नेता, मन्ने परमन्ने दे लोक शामिल होए। इस मौके पर लोकें कन्नै गल्लबात करदे होई उपमुख्यमंत्री होरें रमजान दी महत्ता गी उजागर कीता। उनें आखेआ जे एह समां असेंगी सद्भाव, आपसी प्यार ते किट्ठे रौहने दा सनेहा दिंदा ऐ।

<><><><><><>

JMC

जम्मू मुनिसिपल कारपोरेशन नै बी.एड कालेज कनेल रोड जम्मू दी सांझे भ्याली कन्नै पलोड़ा जम्मू दे वार्ड नंबर 59 दे आर.आर.आर सेंटर च इक बड्डे दान-अभियानद। आयोजन कीता। इस दरान बड़ी मती गिनतरी च विद्यार्थिएं, शिक्षकें ते होर दुए नागरिकें गी कपड़े, खढोने, कताबें ते होर दुइए जरूरी चीजां दित्तियां।

जम्मू नगर निगम दे कमीशनर डॉ. देवांश यादव होरें इस अभियान दी सराहना कीती ते कपड़े ते होर दुए जरूरी समेयान भेंट कीता। इस मौके लोकें दे किट्ठे गी संबोधत करदे होई उनें गलाया जे इस पैहलकदमी दा उद्देश्य लोकें च दया दी भावना गी बधाना ऐ, एह छड़ा दान नेई सगुआं एह साढ़े सब्बने दी सांझी जिम्मेदारी ऐ।

<><><><><><>

Ramban Dhingri

रामबन जिला जेहड़ा जे पैहले गै साफ सब्जिएं दी राई-बाई लेई मशहूर ऐ, उत्थें हून ढींगरी मश्यम दी राई-बाई करसानें गी बड़ा मता लाह हासल होआ'रदा ऐ। रामबन दा राई-बाई विभाग खित्ते च कृषि दे विकास ते करसानें दे आर्थिक सशक्तिकरण गी बढ़ावा देने लेई पूरा सैहयोग करा'रदा ऐ। राष्ट्रीय गाबवानी बोर्ड करसानें गी खुमबें दी राई-बाई सरबंधी कम्म लेई माली मदद मुहैया करोआ'रदा ऐ। तोआई मशरूम किट वितरण स्कीम राएं बी करसानें गी 90 फीसदी सब्सिडी हासल होआ'रदी ऐ। साढ़े संवाददाता कन्ने गल्ल करदे होई रामबन दे जिला राई-बाई अधिकारी रवि शर्मा होरें आखेआ.....

<><><><><><>

Labour Commissioner

जम्मू कश्मीर च ट्रेड यूनियन दी गतिविधिएं गी सुखरू बनाने लेई इक लोड़चदी गैह पुट्टदे होई श्रम आयुक्त ते ट्रेड यूनियन दे रजिस्ट्रार चरणदीप सिंह होरें उनें ट्रेड यूनियन गी कारण बताओ नोटिस जारी कीता ऐ, जेहड़े सलाना रिटर्न जमा कराने सनें होर दडुएं जरूरी कनूनी जरूरतें दी पालमा करने च विफल रेह। एह कारवाई जम्मू दे रम भवन च आयोजत कीती गई जेहड़ी अपनी किस्मां दी पैहली गल्लबात सरबंधी बैठक मगरा होई। इस दरान श्रम आयुक्त होरें जम्मू संभाग दे ट्रेड यूनियन प्रतिनिधिमंडल कन्नै गल्लबात कीती। बैठक दरान उनें ट्रेड यूनियन अधिनियम-1926 दे तैहत कनूनी कारवाईएं दा पालमा करने ते चेचा करी अधिनियम दी धारा-28 तैहत सलाना रिटर्न गी तैह समें उप्पर दाखल करने दे महत्व उप्पर जोर पाया। उनें एह गल्ल बी स्पष्ट कीता जे वैधानिक कर्तव्यें गी नेई करने आले ट्रेड यूनियन दा पंजीकरण करी दित्ता जाग।

<><><><><><>

IEC Campaign

डिवीजनल कमीशनर रमेश कुमार ते आईजीपी जम्मू भीमसेन टूटी होरें कल केन्द्र शासत प्रदेश आस्सेआ नशीली दुआइएं दी कबैतु कन्नै निबड़ने लेई शुरू कीती दी सूचना, शिक्षा ते सरबंधी मुहिम दी तैआरिएं दा जायजा लैता। बैठक च जम्मू डिवीजन दे सब्बने डिप्टी कमीशनरें ते एसएसपीएं, समाज कल्याण विभाग दे निदेशक सूचना विभाग दे निदेशक, ग्रामीण विकास विभाग ते स्कूली शिक्षा विभाग दे निदेशक सनें होर दुए विभागें दे मुख् अधिकारिएं हिस्सा लैता।

इस मौके डिप्टी कमिशनर होरें डिप्टी कमिशनरें गी अपने अपने जिले च आईईसी अभियान लेई मुत्तलका अधिकारिणं गी सिखलाई देने सरबंधी कार्यक्रम गी खीरी रूप देने दे निर्देश दित्ते। इस सरबंधे च प्रसार ते प्रचार लेई जिला प्रशासन गी आईईसी समग्री उपलब्ध कराने दे बी निर्देश दित्ते गे।

<><><><><><>

DEO Political Parties

चुनां प्रक्रिया गी निरपक्ख, आजाद ते पारदर्शी ढंगै सिर करोआने लेई बक्ख-बक्ख जिलें दे जिला चुनां अफसर सियासी पार्टिणं दे नुमायंदे कन्नै गल्लबात आले सत्र लोआए। इंदे च जम्मू उधमपुर ते रामबन दे जिला चुनां अधिकारी शामिल न। जम्मू दे डिप्टी कमिशनर सचिन कुमार वैश्य होरें जम्मू च कल बक्ख-बक्ख सियासी पार्टिणं दे नुमायंदे कन्नै बैठक लाई। इसै चाल्ली उधमपुर दियां जिला चुनां अफसर सलोनी राय ते रामबन दे जिला चुनां अधिकारी बसीर-उल-हक चौधरी होरें बक्ख-बक्ख सियासी पार्टिणं दे नुमायंदे कन्नै गल्लबात कीती। उनें चुनां प्रक्रिया कन्नै जुड़े दे केई सारे महत्वपूर्ण मामले पर चर्चा कीती ते उंदे थमां सुझाह बी मंगें।

<><><><><><>

Hajj Pilgrims

आर्दश कालोनी आली ईदगाह च हज श्रद्धालुणं लेई जानकारी ते सिखलाई आले इक रोजा शिविर दा सरिस्ता कीता गेआ। इस दरान उनेंगी हज सरबंधी तैआरिणं ते होर दूई मुत्तलका चीजें बारे जानकार बनाया गेआ। इस दरान प्रशासन आस्सेआ हज उप्पर जाने आले अकीदतममें गी सुरक्षत ते सफल यात्रा बारे दस्सेआ गेआ। अफसरें इनें श्रद्धालुणं कन्नै िद्धे गल्लबात ते उनें सुआलें दे परते देइयै उंदी चिंताएं दा नबेड़ा कीता। इस कार्यक्रम दा मुख्क मकसद हज पर जाने आले श्रद्धालुणं गी इस सरबंधी महत्वपूर्ण जानकारी ते परामर्श देना हा। इस बारे होर जानकारी दिंदे होई ईदगाह उधमपुर मस्जिद विकास कमेटी दे मिंबर शेख तनवीर अहमद होरें आखेआ.....

<><><><><><>